



Pego ya Bobegadikgang

Komiti ya Banka ya Botswana e e laolang Merokotso ya kadimo ya Madi

(Monetary Policy Committee - MPC) e kopane

Ka di 17 Moranang 2025

Komiti ya MPC e kopana ka nako e go kubetsana ga mafatshe mo go tsa papadisanyo go ileng magoletsa ka go oketsa lekgetho la dithoto.

Lekgetho la dithoto tse di tswang mo Botswana go ya America le ne la tsholetswa go ya ko go 37 percent. Se se ka baya ka fa mosing mafatshe a a tshwanang le la Botswana, a a potlana ka itsholelo mme gape a ikaegile ka go rekisa dithoto ko mafatshing a a ma tona.

Jaaka go builwe maloba, Komiti e kopana mo seemong sa itsholelo e e tswelletseng ka go sa dire sentle. Kgangkgolo e le kwelo tlase ya mmaraka wa diteemane, le go tlhoka go atlega mo mehameng e mengwe ya itsholelo. Seemo se, se lemogiwa gape ke ba Moody's le S&P mo ditshekatshekong tsa bone tsa bosheng.

Le fa kgolo ya ditlhwatlhwa ele ko tlase gompieno, Komiti ya MPC e solofela gore e tla boela mo seelong se se beilweng sa 3% go ya kwa go 6% pele ga ngwaga o o wela.

Le fa go ntse jalo, mabaka a a latelang a ka dira gore kgolo ya ditlhwatlhwa e oketsege:

- i. kgolo ya ditlhwatlhwa tsa dijo le leokwane mo mebarakeng ya mafatshe go fetisa ka fa go akanyeditsweng ka teng;
- ii. tlhalelo ya dithoto mo mebarakeng ya mafatshe; ga mmogo le
- iii. kgotlhakgotlhano ya mafatshe mo go tsa sepolotiki, itsholelo le dipapadisanyo.

Mme bagaetsho, go na le tse di ka dirang gore ditlhwatlhwa di fokotsege di sa oketsege:

- i. go sa dira sentle ga itsholelo ya mono gae le ya mafatshe a sele;
- ii. seemo se se kwa tlase sa letseno la madi a puso; le
- iii. kgolo e e kwa tlase ya ditlhwatlhwa tsa dijo le leokwane mo mebarakeng ya mafatshefatshe.

Mo Botswana, phetogo ya ditlhwatlhwa tse di laolwang ke Puso (administered prices) e ka fetola tebelopele ya kgolo ya ditlhwatlhwa.

Ka tebelopele ya gore kgolo ya ditlhwatlhwa e tla a tswelela e le kwa tlase, komiti ya MPC e tsere tshwetso ya go tlogela seelo sa morokotso (Monetary Policy Rate) se sa fetoga mo go 1.9%. Komiti e tla tswelela e ntse e beile kgolo ya ditlhwatlhwa mo gae leitho go tsaya ditshwetso tse di maleba jaaka gale.